

緣督廬日記抄

緣督廬日記抄卷九

辛丑
全年

長洲葉昌熾著

邑後學莊希烈輯

辛丑正月

元旦臨金經一葉西眺長安南瞻鄉國 六飛未返三徑就荒
宗祧之計闕然俟河之清無日犬馬之齒五十有三矣桑榆
之補尚待何時邪靜言思之百感交集

初二日錄會昌四年金谷原李氏瑩幢一通往年新正三日賀
刺蘭門今年空谷之中足音寂然惟鄂教士以一刺來其徒
五人亦來先施禮無不答即投刺謝之昌平居停謨罕默德
教也今與基督為鄰忠信篤敬可行蠻貊况均為率土之民
乎閉關謝客適致開門揖盜講學諸公誤於尊攘放距其禍
如此其烈可不悲哉

初三日佩鶴書來並示元日七絕詩四首其佳句有云家家競
把桃符換不重書春重紀元忠愛之忱溢于言表錄大和八
年義成軍押衙田任經幢一通

初四日訪經士適昌平趙靜瀾來云德人至延慶州勦團匪
首馬子和亡命未獲縱兵淫掠勒索銀十二萬兩富室盡傾
家昌平懷來亦皆遭徙一空德兵每至一鄉鎮縱馬隊兜圍
以步兵入內窮搜少艾無得免者教化之國果如是乎經士
云得賢良寺信莊邨天水尚書英總憲皆於小除夕賜自裁
毓賢廿六日正法並聞此間督徐兩公即日赴西市誤國至
此一死不足蔽辜展翁不與五君子同盡卒致狐貉一邱亦
不能為賢者諱也罪人斯得言歸於好 回鑒有日未始非
不幸之幸但北人執迷不悟街談巷議依然如醉如狂杞人

之憂仍未能稍釋耳又訪佩鶴知張幼樵又有 旨起用實
編脩桐緣奏保兩湖書院山長梁鼎芬經心書院山長吳肇
恭皆實選原銜

初五日錄長慶四年好時縣七祖院幢經一通

初六日錄唐經幢殘石一通棲霞舍利塔佛偈一通無年月舍
利塔佛號一通閔邱抄正月初三日奉上諭 此案禍首除

載勛已賜令自盡敏賢即行正法外載漪載瀾均定為斬監
候罪名惟念誼屬懿親特予加恩發往極邊新疆永遠監禁
即日派員押解起程剛毅情罪較重應定為斬立決業經病
故免其置議英年趙舒翹已定為斬監候着即賜令自盡派
陝西巡撫岑春煊前往監視啟秀徐承煜各國指稱力庇拳
匪專與洋人為難昨已革職着交部李鴻章照會各國交回

即行正法徐桐輕信拳匪貽誤大局李東衡好為高論固執
釀禍均應定為斬監候惟念臨難自盡業經革職撤銷卹典
應免再議欽此爰書已定回鑾之期當不甚遠聞啟尚書
徐侍郎本於今日赴市曹因合肥相國生日停刑一夕苟延
聊盡同官之誼然不如慶邸之忠告也相傳啟尚書喪母慶
邸不弔而賀問何賀則告之云賀君忠孝兩全正在此時機
不可失啟不省慶邸默然遂罷

初七日同鄉陳敬庵指揮文熙介經士屬題江亭賞月圖作五
絕三首錄雲居寺進寺主靈塔一通元大德十一年神通寺
寶公塔銘一通

初八日再轉經士招茗飲叔復第一次小集欣然願往及驅車
出宣武門但見洋人怒馬而馳兩旁觀者如堵牆知為啟徐

兩君正命之期急命御者從鐵門出繞果子巷折而西車中
俯仰今昔慘然不樂積肴滿前不復能知味矣戊戌所殺者
除楊侍御外皆南人也今皆北人戊戌皆漢人今除天水尚
書外皆旗人也戊戌皆少年新進今則皆老成舊輔反手覆
手頃刻間耳然則今日之禍黨禍也蕭牆縱火以敵人為壘
藉耳再轉云吾輩皆閒人也閒人二字簡而有味置身局中
鮮不傾覆可不愬哉歸後錄咸通七年李君佐尊勝陀羅尼
咒一通崇甯元年七日山翟昌香幢一通

初九日錄光化元年果州刺史石幢一通唐終南山石幢一通
宋殘幢一通

初十日錄德化李氏藏幢三通一宋建隆三年造其餘年月皆
殘缺又乾興元年儒教鄉望臺村王榮造香幢一通

十一日錄常山王石幢一通開寶八年靳氏經幢一通

十二日午後游嚴肆自聯軍入都舊日書城化為豺虎之窟裏
足不前已半載矣今雖輪奐猶新瑯嬛無恙莫不雙扉靜掩
門無車轍至翰文齊叩關而入坐憩片時復在嚴西門一小
肆見元刻真西山文章正宗有 古稀天子之寶內府藏書
也又胡刻資治通鑑索二十四金較往日之價稍貶矣又見
明刻吳才老韻補二十年前以此本屬袁渭漁比部携赴羊
城換得粵雅堂叢書一部忽然重見如逢故人竊端朱印尚
在據云得之碧琳瑯館方氏此言不謬展卷憮然不忍釋手
燈下錄太原郭重顯經幢一通夜卧正欲入寐忽聞屋後人
聲雜以斧斯聲邪許聲舂鏃聲缶搏聲墻圯屋倒聲其聲鎮
定不驚不虞有他既聞傳言汲水始蹶然驚呼室人起傳鈴

索至門房羣奴盡起出視之則西鄰東廂洋爐烟窗失火光透屋頂黑烟已直冒矣急起披衣盡室戒嚴幸鄂教士在寓以兵法部勒救火絲毫不亂約一炊許烟焰漸息敵屬僅隔一牆不踰數武若竟燎原惟有拱手以付一炬昨寫經正值大悲心陀羅尼啟請有云我若向湯火湯火自消滅百千諸佛同在一堂甚深經典尚未卒業神天護佑不至遭劫後之劫幸何如之

十三日訪蓮南歸購得雍里顧氏家集兩種洋一元一為顧潛靜觀堂集則已有藏本矣一為顧恂桂軒先生集內分永思錄一卷鰲峯彙五卷百詠天香集一卷西湖紀游詩一卷啖蔗餘甘詞一卷附斯文會圖詩一卷則皆求之而未得者也讀邨抄十二月二十二日上諭已革莊親王載勳著賜令

自盡派署左都御史萬寶華前往監視已革端郡王載漪降
調輔國公載瀾均着革職發往新疆永遠監禁先行派員看
管已革巡撫毓賢前已遣發新疆計行抵甘肅着傳旨即行
正法並派按察使何福堃監視行刑前協辦大學士吏部尚
書剛毅本應置之重典惟現已病故着追奪原官即行革職
革職留任甘肅提督董福祥本應重懲姑念在甘肅素有勞
績回漢悅服格外恩施從寬着即行革職降調都察院左都
御史英年着加恩革職定為斬監候罪名革職留任刑部尚
書趙舒翹着加恩革職定為斬監候罪名英年趙舒翹均着
先在陝西監禁大學士徐桐降調前四川總督李秉衡均已
殉難身故惟貽人口實均着革職並將卹典撤銷欽此此
諭在英趙自裁啟徐正法之前補錄於此此案本末釐然矣

十四日錄中和二年鄭惟幾書幢一通

十五日錄天福七年小靖化坊張敬恩墳幢廣順三年殷遇幢
慶曆八年張昭範幢各一通皆洛陽存古閣物也閱邸抄
上諭本年五月拳匪倡亂勢日熾張朝廷以勦撫兩難迭次
召見臣工以期折衷一是乃兵部尚書徐用儀戶部尚書立
山吏部左侍郎許景澄內閣學士聯元太常寺卿袁昶經朕
一再垂詢詞意均涉兩可而首禍諸臣遂乘機誣陷交章參
劾以致身罹重辟惟念徐用儀等宣力有年平日辦理交涉
事件亦能和衷尚著勞勩應即加恩徐用儀立山許景澄聯
元袁昶均看開復原官該部知道欽此

十六日送報人以天津日日新聞報求售姑披閱之其論端剛
跋扈直誅心曲與鄙見若合符節但非小臣所敢私議耳錄

句容經幢題名殘刻一通此拓已丑冬月與崇明寺兩幢同
得于白門旅舍廣狹修短並同其一殘缺僅存六面因以此
一面合之共七面為一通及前年終筱珊為余拓得崇明兩
幢全分其一尚完好其一雖漫漶八面皆有字跡可辨且末
一面自有題記缺無此一面在內始知此為別一幢之殘拓
著錄又增一種沾沾敬希之享

十八日作七律兩首題吳氏兩世孝子像贊一為彥欽先生一
為蘆青先生穎芝之祖考也訪佩鶴途中購得皖南李宗燭
所刻徐騎省集僅兩十文閱邸抄去年五月二十四日以後
七月二十以前所有禍首矯傳諭旨着內閣彙集呈覽提出
銷除以重綸音而昭信史此亦史臣所宜知也聞賠款議增
甲午一半再贏五十萬各省鹽漕釐稅皆歸洋人收納據云

上可不損國下亦不病民但取中飽如外飽何

十九日佩鶴來商應詔陳言管見變法莫先於教中國文理太深六經大義非童子所能曉欲啟牖愚蒙非重輯簡明淺近之書家絃戶誦不可中國人才不振由於所學非所用欲造就人才非變科舉停摘例不可所見未能脗合

二十日錄大和七年華嚴院經幢一通

廿一日錄乾符三年瑯邪王夫人墓幢一通宋河南玉師上人幢一通

廿二日錄至道元年杜澤里經幢一通前錄崇明寺兩幢一幢雖八面不關僅有上截無年月題字頃又檢得舊拓殘本一紙僅第二至第六五面下截尺餘經文之下蓮花為座漫刻大中七年十月姚端徐弁重修建與嚴氏江甯金石記所錄

崇明寺幢正合急取兩本對校首尾聯接之處若合符節蓋此舊拓本即為前幢之下截其佚已久故今所拓者僅有上截耳此幢凡先後三拓本校錄三次延津之創始合疑義亦始渙然冰釋補釋既畢喜誌於此

廿三日錄天寶九年永泰寺經幢一通又無年月唐幢一通先序次經次呪經文合為一篇不分上下經序呪各有標目舛脫異同不可枚舉

廿四日錄天寶十二載永泰寺幢一通

廿五日穎芝招飲見經士云各國將陸續撤兵南城官紳欲在慶邸處遞呈請留美兵官戴麗生在京彈壓吳越同舟至於拳轅卧轍良堪增慨又聞俄人覬覦東三省各國皆有違言朝廷已有國書往請歸柁可望轉圜又聞岑雲階中丞調晉

撫因歸綏道鄭文欽阿前撫臣毓賢之旨戕斃游歷洋官畏
罪逃歸撫臣錫良事前疏於防範事後未能緝獲英人將以
李代桃也穎芝出黃蕘園問梅詩社冊萬承紀繪石十二幀
劉文清與紀文達尺牘共賞

廿八日錄大歷七年八開齋會報德記幢一通

廿九日重錄金元幢六通補釋文字并有刊正行款之處几塵
風葉豈徒校書而已

二月

初一日錄無年月唐幢一通又重錄元無礙清辯禪師塔銘
初二日燈下錄右三部檢法王子春幢一通留犢村甯國寺幢
一通皆大定年造

初三日錄甯國寺張恕石幢一通天慶五年普照寺幢一通

初四日吳麟書來見案頭報章不覺蹙額談及禍首咨嗟合肥之下石吾同年如得志外為疆吏則又一毓左丞內為樞輔則又一剛子良也錄承安二年靈感寺經幢一通

初五日矮估暮來得開元二十三年孫使君造象長慶三年合州刺史口溫口造象審其紙色墨色三巴拓本孫趙兩家及劉燕庭皆未著錄又天寶八載石槽欄頌六面一通大中二年劉元簡買地券天歷二年玄真觀和婆婆功德記又一宋殘碑斷為兩石紀年尚存一景字非景德即景祐也山左物廠肆未敢過刻予以五千文錄禮賢鎮壽峰寺經幢兩通一乾統年一天慶年

初六日錄正隆三年隱村普照寺經幢一通

初七日錄永清陳家莊延壽寺經幢東安舊州鎮大悲寺經幢

各一通

初八日佩鶴晚來云中俄東三省專約英日各國有違言張劉

雨帥先入英人之言亦上疏力爭本定昨日畫押今又橫風

吹斷矣謠傳英俄已在海上交鋒日人亦治兵備甚亟李本齋同

年電詒以鄙意測之在此所見聯軍各隊扶桑朝旭初昇如

新生之犢猛於虎俄人雖侈然自強未必能操勝算又言皖

人王伯穀挾洋人之勢欲佔江蘇館為東文學堂王承之康

惠卿左右之佩鶴與皖九不能制嘉定相國亦搖手戒勿言

王名儀鄭本江湖游食者流並無實學高懸名士招牌潘文

勤作古適先一日到京送輓聯託之夢徵自述知己之感其

實文勤夾袋中未嘗有其名氏也段少滄比部憫其無嗣以

一婢贈之豈知伯牛有疾并婢亦身染惡瘡是真無賴之尤

忠卿不曉事為所牽率可惜也錄天慶二年韓村內興寺經幢一通

初九日訪經士知中俄專約展緩一禮拜簽字不至決裂又聞天水尚書授命執鳳石手以電告急於劉張兩帥覆電一云無可設法一云無能為力聞之慘沮天乎渾良夫叫天無辜逝者有知其為厲鬼以報國歟

初十日錄唐開元經幢宋雍匡祚幢各一通又錄南翔寺乾符二年幢寺中共有兩幢一咸通一乾符藝風所拓江蘇石刻僅有咸通一幢此幢則十年前在滬所拓也合之遂為雙璧又檢得一南曹石幢舊拓本校前所錄補釋十餘字改正一字

十一日爽秋靈櫬即日南旋其長君來告別云明日浙江同鄉

在妙光閣設立忠位公祭僕於徐許兩公名位懸絕爽秋則
舊雨也當往酹一尊耳

十二日午後至妙光閣公祭歸途訪佩鶴並見伯葵前輩伯葵
以居鄉不易無異長安南旋之日所有書籍字畫寄玉皇閣
肱篋一空深悔此行之失計佩老云二等爰書俄人忽網開
一面與英日力爭至欲下旗以去黨籍諸公可以簡然事外
矣何其幸也然死者不可復生矣佩鶴以為俄英積忿故有
意掣其肘僕則謂曲逆自登之計包胥秦庭之哭但事秘未
能知耳

十三日錄吳越天竺寺西幢共六葉三日而畢

十四日矮估來選得金天宮寺碑一通墨妙亭玉筍一通不忍
與之論直合前六種共給以洋一元此時此價為破格矣玉

筍有元豐宣和淳熙諸題名据竹垞靜志居詩話為一吳興
守携壓歸裝自後金石家無著錄者近陸誠齋輯吳興金石
記亦附入佚目不知其尚存也

十五日錄天竺寺東幢亦六葉三日而畢東西兩石各有幢座
周刻捨錢題名八面皆遍阮氏兩浙金石記未見也

十七日耿伯齊來云秦介侯寄百金已到但聞洋人在壽陽被
戕者有六名之多介侯名在爰書即駕車訪經士經士云二
等一單已揭曉京官少而外官多山西州縣尤多斬立決四
人介侯與焉又至觀音院言徽孫期功之喪其言與經士合
云得之王孝玉並知四人之內有鄭文欽及浙江衢州都司
周某強臣有劉景韓俞廉三松鶴齡嗟乎介侯一至於此不
啻青天之下驟聞辟歷為之忽而驚忽而疑既而大慟撫膺

反袂拭面不桀老淚之橫流也憶去秋鼎沸之時筮牙牌神
數得履霜堅冰四句朗若著龜其後欲西走壽陽北走昌平
又欲南旋故里筮得未一謀一二三四五六七八九相逢數
乃畢老陽未變不能生占者逢之靜則吉動則凶屬爻時即此
數也心惡其不祥今幸而得逃大劫以為老陽指徐則兩相
國及鑑帥諸鉅公未變者守舊之謂也此事非一人一家之
厄故神明來告亦統大局而言之豈知今乃應在介侯邪老
陽非其縣名邪若往依之難保不同罹一網昌平上一字賤
名居停楊九舉名常生又與賤字相應平安生返豈非數有
前定邪歸途遇伯葵父子於巷闔人已拒客矣即下車揖之
返暢談至暮而去感言故鄉之不可居一官之無可戀買山
無資時不我與進退維谷同病相憐

十八日錄景祐五年趙州南關廟經幢一通共五葉亦三日而畢又錄顯德清河郡張氏上生兜率經幢

十九日奴子得南信忽聞承繼之孤孫正月廿六日病不知服何醫之藥此月初九日竟殤嗟若教餒魄命中注定無可挽回矣少雲四子易長易成此兒頭角嶄然一到寒舍即仍天札天意可知尚復何望此後誰肯以愛子填絕門之陷阱乎與室人牛衣對泣為之心死喪秋之長君來謝並以遺照見遺對此衣冠典型如在其三丈夫子皆已成立皆能傳其家學雖亡猶不亡焉

二十日晨起伯壽書來云介侯議減等遣戍極邊金難肆赦得於絕望之餘不禁以手加額外附到介侯一函尚是去歲冬至日發其所貽百金不敢不收亦何忍收萬里荷戈正須齋

斧即作一函復伯齊請其即日仍滙寄壽陽作為餽贐午後
汪星台自涿州來餽蜀先主廟碑一通金承安四年王庭筠
行書跌宕可喜佩鶴招宗顯堂嘉肴滿前不能下箸一人向
隅舉坐為之不樂即先告別聞和議又有掣肘紫東松生皆
到都途中艱阻異常洋兵酗酒鞭笞華人如羊豕根生幾飽
老拳如此世界覩顏視息真可痛也

廿二日錄湖州天甯寺范陽湯君幢一通

廿三日致袁仲默昆季一函以君九一緘並檢得蒿隱遺藁一
冊託帶南中廿六日爽秋忠觀出京辭未能執紼

廿四日昨聞伯葵前輩寓有叔案今日遣伴往問慰歸云廿二
夜雨點鐘二十餘人持械踰牆而入繫其主僕葵公並遭榜
掠入室搜括二百餘金呼囂而去適葵初來云聞葵公新到

協餉千金春光漏洩席捲無遺但云二百金猶諱之耳又聞
昨日神機營德兵無故轟發炸藥鐵彈橫飛賢良寺大受驚
恐合肥師相所住之室岌岌振動窗牖玻璃盡碎徙席避之
又聞海淀戕一德兵官德人已統兵往查勢將勦洗良民何
辜池魚殃及如此世界真不能安枕矣為經士跋張篁邨寒
江共濟圖篁邨與盛青巖徐峴園周牧山自淮上同舟渡江
作沈凡民篆書引首後有青巖之族孫盛杲題詩青巖殘詩
兩冊雜置亂書堆中窮搜半日始得之使亡兒在何至於此
因而遍檢舊所得零編斷冊作者名氏翳然鄙人自購之而
自藏之開卷亦邈然如不相識其幸而存焉僅矣始知二十
年來搜羅放失於古人不無小補衰遲多難付託無人此後
飄零不知何所可與古人同一慙耳

廿五日伯齊書來又寄到介侯一函內附上盛京卿彙稿一通
去年六月拳匪之亂保護教士煞費苦心今乃受此不白之
冤誰為之昭雪耶

廿六日錄天甯寺沈仕達等造經幢

廿七日謁崑相師旭林後期候至九點鐘始同入見師允轉告
紹仁亭同年商之日本官吏館即暫未能收回或仍飭館吏
輪班夜宿或但往查點文籍仁亭係滿提調又總理衙門章
京也師言行在諸公顯分畛域以扈譯者為第一等奔赴者
為第二等留京者為第三等吾輩効死危城流離驚恐不知
何負於朝廷且史館為 本朝三百年文獻所繫諸臣可去
獨史臣不可去此鄙人所以不西行亦無南歸之志也又至
賢良寺訪楊蓮甫見各國照會列爰書者數十人以太原縣

白令為首歸綏通鄭文欽皆斬立決京官祇有長允升侍郎
疆臣俞廉三已幸脫浙撫劉樹堂尚在礮磨此外有松鶴齡
亡者有裕壽山年文臬司胡景桂知府有徐繼孺東二省有
副都統晉昌其餘山西州縣居多介侯名下又注永不釋回
四字即以上盛京鄉裏與之請轉呈合肥相國若能駁輕一
字即受一字之賜視其命運何如耳

廿九日獲孫來談云徐硯美同年以略血歿於杭廬日內以論
碑檢閱山右金石志即其所貽觀物思人愴懷何極夜東北
紅光燭天閱一時許始熄寂無聲息當是 丙苑灾也 回
鑒益無日矣

三十日赴經士之約見根生穎芝再韓韶臣采南米南袖交子
嘉書客歲除夕關中焚廟四府街云陝北奇荒道殣相望小

民困苦不減都門亦切望 回鑾昨聞劉光才一軍進駐井
涇洋人有責言即欲進兵西嚮法兵意兵先發為合肥相國
阻而歸今德兵一千又展輪矣外間謠傳一萬昨夕 西苑
之灾人心惶擾穎芝欲送眷南歸然津京道路雖通而未通
洋兵塞路輜重眷口何可涉險韶臣之來形色倉皇亦欲與
同鄉黨進止余告以無地可避不如固守以俟天命歸見郎
鈔于蔭霖調撫廣西錫良補鄂撫又聞甘大璋開缺以五品
京堂候補此三人皆洋人所指目者也 宮庭意旨昭然若
揭此兩日內波瀾忽起豈非自召哉

三月

初一日日高尚睡枕上聞沈小韻翁玉行自南中來披衣亟起
不櫛沐而迎之相見慰勞先述客歲流離之狀又詳詢尤之

印若糊緣近況即欲留之下榻繼知兩君挾賢來購求書畫古玩慢藏可畏以伯葵事直告之聞前夜西苑之火儀鸞殿盡付一炬焚斃德提督一人聯軍統領瓦帥僅以身免其非縱火可知天意示懲為中國警亦為西人警兵連禍結其有悔心乎

初二日得經士函云德法意三國兵船綏開拔不啻萬人訛言獲鹿已接仗西都恐不能安枕若歌蜀道難是念家山之嚙引也奈何疑估來得唐開元中處士王虞墓碣一通八面如石幢分書精美後有胡蘄生中丞跋云黎城新出僅損一字真墨寶也又得唐墓志造像共八通錄天甯寺咸通四年仰君儒幢

初三日錄會昌元年天甯寺經幢一通

初四日至天成店訪小韵王行出城即有戒心命輿夫由閒道走將出韓潭忽見遂人望北飛奔車亦疾駛急詢之則云德兵在大街捉人有車者捉車有驢者捉驢不敢前進即返嚮訪佩鶴告者倉皇聽者落寞且云是訛言耳愕然不能措一詞歸屬作函告小韵所居非善地勸其偕王行明日襁被住敵屬及奴子歸知今日驛騷已兩次並槍斃一人以其騎驢而逸也蚩蚩者真不聊生矣

初五日小韵王行偕來兩生帶來一僕滬之東洋車夫也昨亦為德人驅脅將令作苦以略通西語竟得釋歸錄天甯寺經幢兩通一乾符五年一無年月

初六日錄天甯寺殘幢一通

初七日午後至街南閒步在荒攤購得殘絳帖一冊尚是明初

拓本有樵亭項氏北平孫氏藏印此即韋溪所謂偽絳帖也
真者不可得則見此如見虎賁矣

初八日訪旭林不值途遇朱艾卿昨日鳳石函述瞿子玖尚書
到秦言各省士氣蹙然不靖鄉試萬不可再展欲分為水陸
兩途以秦晉隴蜀齊豫滇黔由行在來輶而出其餘各省
電簡京員由輪船航海以省材官供帳今日衙門有知會開
履歷咨部免其考差迺艾卿云聞有旨明發各項考試一
律停辦五年此必為變科舉而設在荒攤購得播琴堂詩兩
冊吳江金學詩二雅撰又藕益大師起信裂網疏一部大師
吾鄉之木清人也錄會昌三年天甯寺陳榮造經幢一通
初九日經士又送到鳳石函云李龜巖前輩疏請迎鑾上
意頗動為呦呦者所阻呦呦窟穴在秦滿腹私心睚眦必報

識者稱為識字之剛相與幾相大相齟齬不知滄上報章騰
筆肆罵呼之為頑固餘孽豈衰如充耳乎嚴肆以舊書一單
送閱內多抄本宋人集及刻本倪雲林唐荆川集所索係往
時平價減半予之未允

初十日筱韻玉行來下榻挑燈共話述去年富有貴為票匪多
有世家子弟通才博學失足其間抱奇不用鋌而走險良可
痛惜

十一日午後至街南購得味筍山房詩一本嘉定楊麟洲初士
撰其子手錄之彙本也僅十文錢耳淮海不能收而余收之
可歎也

十三日徐供事來云方略會典各館皆有所失史館未必獨全
移文查賊未必允行不如俟洋人撤兵再議皆紹仁亭之言

也

十五日閱邸抄教案處分歸綏道鄭文欽衢州都司周之德陽
曲縣知縣白昶均着斬立決直隸灤平縣知縣文星着李鴻
章查明如有戕害教士實據即着斬立決蒙古王革爵查辦
一人傳旨申飭二人浙撫劉樹堂革職永不敘用飭令回籍
布政使榮銓盛京副都統晉昌黑龍江副都統鳳祥巴彥蘇
蘇統領鄂英均着發往極邊充當苦差衛州鎮喻俊明金甯
嚴道鮑祖齡以下十七人革職發往極邊永不釋回介侯即
在其列無可挽回矣長草陳澤霖以下革職永不敘用者二
十一人河北道岑春榮革職湘撫俞廉三豫撫前江西巡撫
松壽均革職留任

十八日佩老升閣學

十九日至單牌樓散步見 高宗純皇帝御製詩刊本真彙各數冊彙本尚有硃筆改定

二十日閱忘珠卷談時務者頗有左袒羣凶謗諸氣數並責將士之不用命執迷不悟豈惟北人也哉

廿一日劉驥雲自滬至云浙中三君子忠觀之到滬也各國皆下半旗以誌哀觀者舉國若狂

廿二日汪星台自涿州來云月城地藏庵兩幢今訪得有三石皆深陷土中各露尺許尚有一碑剝泐過甚年月不復可辨當亦元以前刻也

廿四日臨鄭惠王石記六十餘字碑在長子縣頗似清河公主碑昨夜礮聲不絕如聯珠並聞洋兵出隊軍樂嗚嗚之聲今日始知為法國公譙合肥相國及慶邸皆座上客新奉 諭

肯此次變出非常去年五月以後告假出京者一概從寬不
究照舊章辦理余告佩鶴云此輩次隨扈一等若留京固守
者既不殉難即屬漢奸否則亦與洋人聲氣相通者也此非
刻論實洞見諸公癡結耳

廿五日至賢良寺訪張幼樵丈適淮海昆仲亦在座共談少頃
不見踰十年共驚老大淮海尚是其朝考門生自今視之不
啻龍漢劫前人也然長余僅一歲耳其鋒鋠已挫猶斤斤於
詞館禮節失所望矣又訪楊莪芳都轉言蹇重聽大有老態
談去歲津門之事云裕制軍初主勦繼聞朝議袒拳遂變其
說且虛報勝仗雖死不能逭其誤國之罪也

四月

初二日臨合州劉溫造象方勁精整極似河南伊闕三龕記

初五日得柯巽庵書云去年有千金寄蘇門諸君子竟不知也
峴帥五千亦未到皆杏蓀尸其名耳掠美之於屯膏有以異
乎又得筱韻函坐武昌輪船廿七日到滬介侯事有美律師
林文德為之幹旋先向教會中申辨即日進京但已奉諭
旨難於反汗洋人即肯出爾反爾亦須華官出奏合肥必不
樂為也鄙見有二策一由晉撫疏辨一則竟在行在都察
院遞呈請譯署移文飭查如洋人首肯事即諧矣

初六日臨獨秀山新開石室記三日而畢建中二年鄭叔齊文
筆力沈摯勁不露骨徐季海之適嗣也又錄大中二年天甯
寺曹巨川書幢共六紙上截有呪下截八面皆題名藏本失
拓据吳興金石志補

初七日前鈍齋函來願為拓蜀中金石載聞德音不禁起舞今

日據三巴晉古志開一目

十一日錄大中十一年天甯寺王謙造首楞嚴經幢一通昨得
微孫函以七絕二首見贈讀藏書紀事詩而作也次首後二
句云名山自有千秋業何必楹書託後賢上句不敢當下句
所謂旁觀之慰藉也

十二日晨聞陸振之自津來倒屣迎之共慶更生述去年五月
津門之陷洋人自海光寺進攻其所居在南門正當其衝天
際炮聲隆隆然如殷雷疾過有拍拍然如鳥張翅者有瑤琨
如風箏者墮地如辟歷者然一聲從空而下人屋糜碎亦有
至地始炸因而火起坎地以避之自南門至鹽坨死屍枕藉
慘於都門之劫矣又云拳匪中有所謂黃蓮聖母者故倡也
習紅燈罩邪術每入見裕制軍分庭抗禮自轅門外鋪紅毯

逾直至廳事妖孽如此疆臣昏悖如此豈非自取覆亡哉錄
大中十一年王謙造陀羅經幢一通

十五日錄高化元年潭州鐵塔一通

十七日錄天福八年孟漢賓彌勒上生經幢一通

十八日薄暮大雨如注雷出地奮格磔有聲正在電光激射之
際忽見東北紅光燭霄烟皺上騰按其方位與儀鸞殿之
太合當又是內苑災也為之撫膺太息得永師函云保定五
六百里界內蹂躪無遺惟行唐完善錄唐開元十三年王慶
墓幢一通八分書額稿文末一面題字篆書

二十日伯齊晨來以研詒書見示介侯自奉 旨遣戍非但未
束裝就道並未撤任且得營務處要差據云岑中丞及洋務
局總辦沈觀察有意為之昭雪

廿一日聞十八日之警條 武英殿災從此聚珍版無片字留遺矣

廿三日史館奏報情形一摺崑相閱定而後繕稿午後徐供事來云仍未遞述慎約庵之言云尚須改易一紙片猶掣肘如此尚能辦事邪諸公爭言變法不能去滿漢之畛域徒託空言耳

五月

初三日昨恭讀前月十一日 上諭六部則例本極詳明行之既久書吏窟穴其中漁財舞文往往舍例引案上下其手今當變通政治之初亟應首先整頓部務為正本清源之道非盡去胥吏掃除案卷專用司員辦公不可茲值京師兵燹之後各部案卷不過十存四五着即一併銷燬以示廓清弊竇

銳意自強之意各部堂官務當督飭各司員躬親部務各視事之煩簡另募書手若干名專備鈔繕文牘之用不准擬辦案件積壓文書並着堂司各官安定簡明無弊章程通限兩個月咨送政務處大臣詳核具奏候旨頒行夫貪劣之員倚案卷為護符視書吏如手足者動以無案可稽為詞試思我朝入關之初究有何案可援列聖勵精圖治亦何嘗拘守成案各部司員其各振刷精神剔除積習以副朕懷有厚望焉

初五日續奉 上諭昨因京師兵燹之後各部案卷散失復諭掃除銷燬原以歧出之案牘甚多介在兩可之間書吏得以上下其手亟應力除積弊若有關考察及舊例所無隨時新增成案應即查明分別開單咨送政務處覆核其應存者一

併纂入則例以歸劃一其應去者一律掃除此兩諭為變
通政治第一次雷厲風行之舉史館奏報情形摺內有例行
公事亦無檔冊可稽與諭旨無案可稽為詞鍼鋒相對聞
部署諸君言此間奏事行在政府吹毛索瘢挑剔甚苦昨
因致旭林一函商重繕今日徐供事持復書來亦主改繕之
說並屬函商滿提調潤約庵所居不遠即駕車往訪之告以
改竄不過數字似可一面回堂一面即飭吏重繕約庵深以
為然歸後即書一字告徐供事速繕限明日送彙初五日回
堂即於初六日拜發

初六日閱却鈔四月十七日奉 上諭昨因整頓部務特諭各
部院堂官督飭司員清釐案卷躬親辦事將從前盡吏盡行
裁汰以除積弊惟思各省院司書吏亦多與部吏勾通其各

府州縣衙門書吏又往往交通省吏舞文弄法朋比為奸倘非大加整頓不能弊絕風清至差役索擾尤為地方之害其上司之承差則藉公需索州縣之差役吏百般擾害閭閻甚至一縣卑役多至數百餘名種種弊端亟應一律革除着各該督撫通飭所屬將例行文牘一併清釐妥定章程倣照部章刪煩就簡嗣後無論大小衙門事必躬親書吏專供繕寫不准假以事權嚴禁把持積壓串通牟利諸弊其各衙門額設書吏均分別裁汰差役尤當痛加裁革以期除弊安民毋得因循徇庇仍由該督撫將整頓章程咨明政務處大臣彙核具奏其認真與敷衍不難按牘而知也欽此

初八日鳳石函來不滿於介侯指大堂借義和團審事為証又云嘉定左邊由自取吏部變通銓選章程不曰請 旨而曰

存案不俟 俞允即舉辦六部保送御史並不關照 行在
將來難望其和衷也秋闈請停者十餘省張治秋總憲上疏
千言力爭復發明電通詢各直省江南山左仍請停此外尚
未有覆電然滇黔則輟車已出矣

十三日柯庭昆仲晨來以牛車載書籍來去並與鄂教師約敝
廬不在賃界之內鄂君允給租價每月五十五元尚屬持平
再韓前輩來久談留飯而去云洋人聲言何潤甫桂月庭兩
君如回京將名捕合肥以電往尼之又聞直晉交界又有戕
害教士之事

十五日柯庭鞠延同來西鄰交賃券即以今日起租敝廬亦付
正月至五月房租四十金去年九月主人堅辭不收僕亦不
復固請矣昌平居停楊九皋來云有拓片約可裝一車請定

去留允之夜聞僕輩言去年鼎沸之時凡十二辰生肖屬羊者及楊姓皆殺無赦無怪都市門聯洋溢聲名至改為詳溢也如此昏愚宰執信而不疑不亡何待

十七日閱巡珠卷擬杜工部憶昔詩內一卷詩頗佳痛詆合肥有云中興方召盡云亡惟有熊周享耆耄又云豈意流離板蕩中折衝復仗斷輪手夫三韓之役誠不能為賢者諱今日戎首自有攸歸南疆豈能為北門任咎義和團見南人必問曰爾上海人乎若應之曰然則槍刃交下矣豈知上海人固與彼一流也冤哉

十八日日高春尚未起子靜排違請見即盥沐而出談至日將曛始去去歲在津門與裕師患難相共九死一生其眷屬在紫竹林隔絕不能見兩子為洋人脅充小工一妾附甬波烏

山船南歸可謂備嘗艱苦矣九皋來拓本一車啟視開成石經全分關中唐碑每一種有重至百餘分者為之爽然若失即屬以原車載歸留其半待選擇

十九日九皋拓本篋中所無者得唐墓志六七通唐萬壽宮記宋元祐經幢各一通巴州題名及龍日寺造象宜君王華宮宋刻較舊藏皆有溢出巴州杜甫書嚴武詩金石家無著錄者少陵墨刻亦僅此一種頗可寶又董思翁大字蘭亭序米書鮑昭舞鶴賦管仲姬墨竹詩皆可入百衲帖

二十日經士來久談知孟多以療疾殤文勤師無後矣嗚呼痛哉師弟幽明同此終天之恨以文勤躋高位享盛名或者予之齒者去其角鄙人何緣受此衣鉢邪

廿二日桐門來以理財兩策見示求為刪潤欲以干合肥其一

計口食鹽其一重征烟稅告以中國轉移執事之人有終其身依人不自舉火者殷富之家食指或逾百十鋪有閉歇人有死亡戶有遷徙宋之醋庫即如此抑配況欲計口必造冊欲造冊必查戶天下騷然矣至加征烟稅與狐謀腋更未敢與聞嗟乎時艱至亟少年絀袴侈口妄談視同兒戲總而言之治法必先治人停捐例嚴保舉舊學非科目出身新學非學堂出身不用庶幾此輩可廓而清之

廿六日玉行寄到徐迪功集兩冊從鐵花館本傳錄有李夢陽序還九皋拓本留百餘通餽以洋蚨兩餅論平時嚴肆之值購三四通尚不足此時則為好事矣

廿七日午前孫問清自南來各談別後事並述陳杏蓀前輩由德州南下左踝生一疽力疾登程至順義集尖飯歿於驛橋

桐棺三寸家有九旬老母玉堂結局吾輩前車余初釋褐時見玉堂譔戲題其面葉曰回頭是岸雅賓師見而呵叱之以今視之得不謂之苦海邪午後訪佩鶴不值又至薇孫齋久談見法格門所鈔宋元人小集董綾金同年以八金得之共八十冊書廩有此奇遇不覺令人生妬心聞卹鈔史館請補總裁摺已達行在王中堂升正總裁瞿子久尚書補其遺缺貽書人充滿副總裁兩提調皆老前輩矣僕承乏時謫人尚未傳協修猶忝顏懸棧不重可太息邪

六月

初二日徐供事來云今晨隨內閣諸吏入禁城館門嚴扃踰垣啟鍵而入蔓草離離高與人齊大堂及科房窗扉皆洞闢堂上四大厨門亦啟新裝繕之奏議已啟函尚無損失書庫局

鎬未動惟公牘狼籍滿地不可收拾言之浩歎

初九日訪孫問清見新得宋本觀濶集楮印俱精惟有曾在定
郎行有恒齋一印又四庫本公是集丁南華繪二十四應真
象僅存四幅明搨獄麓寺碑

十一日得仲午函石頭之瑒也以怯症仲午寫示輓聯以韓文
在子惟吾在孫唯汝對莊子其生也浮其死也休自謂沈痛
余謂亦曠達也

十三日答屠竟山出近作輓袁許兩公及庚子感事詩見示又
見其廠肆新得舊抄書籍皆平平部帙惟在太原所得太平
廣記一部板心有吳郡沈氏及野竹齋校錄字吾郡沈人山
耕之鈔本也為之摩挲久之又云去年七月在黑龍江將軍
壽山幕府上書三千言勸勿與俄人開釁幾遭不測自草地

入關流寓大同者半載兩次被盜書籍一空

十六日得子嘉關中書云啟 蹕必在深秋為余拓得御史臺精舍碑郎官石柱題名又遣人至終南山樓觀拓唐宋元碑云其地久封禁函託盤屋令諭道流弛禁始能椎拓集股至七八十金僅可得三十分人言陝碑易得亦未確

十七日訪桐門並見費芝雲新自南來携交叔朋書一紙又潘文勤師芬陀利室詞五冊在翰文齋選得司空表聖一鳴集盛時泰元牘紀尚非奇秘又朱長文琴史陸友仁吳中舊事高氏平江紀事都元敬吳下塚墓遺文王光庵集及吳中古蹟詩亦光庵所著共七冊諧價四金都王三種皆久榮諸寤寐者新得徐迪功詩若再覓得王止仲集楊循吉松壽堂集則吾吳勝朝諸名家略具於此矣

文記諸家
早得之

十八日昨所得吳下塚墓道文檢閱之尚有續集地吾家文莊公六世孫恭煥所輯台南濠前編裝為兩冊今僅存一冊惟續目尚存不過三之一耳不勝悵惘

廿三日自避地回京桃符未換今日慶邸傳諭廿六日萬壽家家一律更新且掛紅燈一盞以昭祝嘏之忱禮也即命僕購硃砂箋函請誦範揮翰

七月

初五日至琉璃廠閱肆於譚估處選得吳江徐電發詞學叢談一部崑山葉九來經鉅堂集八卷皆吾鄉先哲也又香溪女子徐暎玉若冰南樓吟彙兩冊係沈學子女弟子前有沈所撰序傳又王蓮涇孝慈堂書目一冊舊鈔本均未諧價又曹墨琴女史寫韻樓小彙一冊歸視淵雅堂集已附刻於後可

無須此駢拇指也

初八日正文齋書估來携示舊集有同邑先輩蔣業晉立佳詩鈔喜而留之又選得樊榭游仙詩注一部

初九日得詠春書余欲求詞祿為歸計而其言云台從旋里之時即鄙人薦賢之日加之以鵲盼鵲盼狡哉喜於指詞矣

十六日得子嘉書云趙乾生藏石盡售於午橋及倫貝子開元楊淡經幢已裂為二截拓本貴至三金一分廠肆一千泉足矣所物色者不過牛頭崇聖卧龍諸刹石幢及碑林宿耆大失所望矣

二十日過廠西至迷古同好二肆惟見趙凡夫印譜六冊亦未得又見岱南本問字堂集雅雨本北夢瑣言皆初印罕行精本

廿四日閱巡珠卷畢碑額誌蓋尚有知者幢座像龕無非叩槃
捫燭金石之學殆絕矣此語石一書所以亟欲出而問世也
廿六日伯葵屬開輜軒隨帶書目昨宵篝燈繕三紙即加函遣
伴賁送午後旋來云鄉會試已改章廢時文詩賦不用頭場
試中西政務策二場試史論三場試四書五經義各一首所
帶書籍又須更訂並屬預備題目

廿七日聞閤侍御錫齡馮編修恩堃皆為張治秋前輩所勅落
職馮君方出滇輅有 旨看中途折回聞出京時揭債皆蓮
甫為之擔保糟不可言矣

廿九日徐供事來持示內閣移文禁城洋兵已退出所有內廷
及各館當差人員均由內閣給發護照神武西華兩門皆整
閉惟由東華門出入旭林之意惟開纂協修常到館去及吏

役裝訂工匠如其說飭即辦文造冊

八月

初二日至省館江蘇專款為賢良寺乾沒五千六百餘金同鄉公議檄催徵孫主筆作一函恐徒打筆墨官司而已

初四日譚估送書來內有頒帑二集兩冊同邑劉錫玄玉受著明萬厯間人也檢府志菰文劉所撰有黔南十集十三卷玉受集十卷此當是集中碎錦破爛不堪然亦不易得之秘籍也喜而留之

初五日和議成禁城始交出留守大臣即於今日接收借史館輪班值宿已刻往由東華門進見旭林及紹仁亭潤約庵不登此堂已一周年矣堂中列櫃封識雖開柱下圖書尊藏無恙亦始願所不及此矣午後崑相師來言明日即馳奏行在

史館欲附一片已不及祇能俟清查檔冊後專摺入告所有
當差人員由內閣給發門照領一紙歸昨開吾郡九屬古今
地名交譚估屬其搜訪鄉先哲遺著今日即送八種來可謂
不負所託可留者半明項文康平橋棠十八卷震澤翁天游
振綺類纂四卷吳縣馮夢龍麟經指月四大冊項文康為明
初崑山作者其集當與宋元並重馮翁兩書免圍冊耳然及
今不網羅將遂湮沒矣又王西莊所選江浙十三家詩內李
繩勉百王廷魁同齡高景光同春皆吾郡人各有詩二卷雖
非全豹聊勝於無又馮起鳳雲章吟香堂曲譜二卷有石琢
堂序

十三日答王夢林贈開皇十三年唐仕儒銅造象一龕僅高三
寸許極精建霞舊藏也又答徐元之言質卿丈去年已病歿

竟不知也。根觸舊游，潸然隕涕。

十四日正文齋書估來，孝慈堂書目堅持實價四金還之。

廿一日宜古帖估來，得宋韓溥書南海廟記、陳堯佐野吏亭記，各一通。又龍門唐內侍省功德碑，似拓本，視舊藏為勝。亦留之。譚估送鄉先哲書來，有三種可采：一為汪紉庵輯駢體南鍼，尚不過米撫之本；一為王文恪姑蘇志；一為徐昂發大臨畏壘山人詩。乙未亭詩刻印精工，字在顏楷之間，墨光如漆，紙質如玉，惜索值過昂，炙手可畏。

九月

初八日得子嘉函，知派隨躡寄到樓觀石刻一包，拓至宋刻而止。元碑惟有篆文道德經及說經臺記，此外尚缺十許通。聞所費不貲，為帖估所欺矣。為之爽然若失。

初九日到館查得去年領纂食貨志遺失實錄一百餘冊皆館中所存副本其正本在 皇史宬即能借鈔其費亦不貲無法為之弭補也

十七日譚估來購定王文恪姑蘇志一部共四函二十四本徐大臨畏壘詩集乙未亭詩汪紉庵駢體南鍼砭磨市月諧價十四兩五錢較平時廠肆之值尚不為昂日前又送閱說文字通一函高翔麟著索值六金姑舍之

廿六日聞合肥師相歐血病勢沈篤此萬里長城也杞憂曷極廿七日聞合肥騎箕西逝長城壞矣吾儕小人其能安枕邪

十月

初十日宜古齋送舊拓張猛龍碑來國初拓後有大埔張標雲跋云從鄧鐵香鴻臚至越南勘界事竣以此為贈

十二日紫東命御者以車來迓即襆被往與子靜對榻縱談子靜言在合肥邸見輓對其姪壻劉季孺一聯云邈然葛亮雲霄待蜀老能言定多故事愧我王郎天壤為謝公長慟誠屬蒼生聞子聲若之筆也又吳摯甫一聯云教我兩言與元氣俱又入無間別公千古為天下惜且哭其私

十七日潘翼仲招有館聞藝郭初四病歿此信突如其來尚冀其不確耳

二十日楊頌如願列門牆先由席少卿介紹辭之再三不可得今日來執贄廿六日蘇松太三屬公祭合肥相國同人以輓對相屬為擬一聯云提一旅偏師以蘇松太為發軔之區民到於今受賜論中興元老與胡曾左雜同舟共濟公尤獨任其難

廿一日得子嘉函見貽永仙觀田尊師碑拓本

廿二日宗子戴趙子洪同來宗原籍上元趙原籍陽湖皆僑寓

虞山皆為名父之子

子戴淵文觀察之子
子洪趙易州之子

富於收藏詞令嫻

雅子戴為其尊甫求作傳潘翊仲來辭別以辛芝年文所藏
戴文節山水卷屬題往年春秋俸米每季七品四石四斗五
升有奇付老米鋪祇作六金由查倉御史交倉支領可益銀
二兩今年一律發本色糙米除去運脚舂碓之費約可實得
米三石六七斗臣朔飢欲死得此不無小補但恐不久弊生
耳

廿四日誦 上諭朕奉 皇太后懿旨己革端郡王之子溥儀
前經降旨立為大阿哥承繼穆宗毅皇帝為嗣宣諭中外慨
自上年拳匪之變肇衅列邦以致 廟 社震驚乘輿播越

繼溯變端載將實為禍首得罪 列祖 列宗業經嚴譴伊
子豈克膺儲位之重溥僞亦自知惕厲端恐顛懇廢黜自應
更正前命溥僞着撤去大阿哥名號並即出宮加恩賞給入
八分公銜俸母庸常差將此通諭知之欽此又奏事處傳
旨十一月初四日由開封府啟鑒

廿七日康民來談極久從慶邸至汴垣新歸云此間困苦艱難
之狀 行在諸公似未能深悉讀 諭旨會試 恩正兩科
約緩至癸卯年舉行明年順天鄉試借汴開河南本省鄉試
展緩至十月

十一月

初二日閱邸鈔叙議和功慶邸食親王雙俸李文忠再賜祭一
壇伊子李經邁以三四品京堂補用榮相愛相賞雙眼翎劉

峴帥加太子太保張表兩帥加太子少保那桐尚書銜幼樵
文以四五品京堂候補

初五日楊鳳阿書來見示蕩葉雲莊禮記集說一函我題宋本
而不知其爲元人撰也共十六卷與元天曆建安鄭明德本
合字大悅目楮印精良極似明本大學衍義當是明初覆本
又借上海邵氏豐順丁氏兩家書目余有持靜齋而無宜稼
堂即檢持靜付之嚴肆寇姓送北海葉有道碑求售知余有
石癖又以余之氏葉也可謂投其所嗜而不知余藏此碑已
久矣余自去年三月發憤作語石一書論碑版之學專開門
徑及訪求收藏鑒別之事既非歐趙之目亦非潘王之例非
敘跋非攷釋似於金石門中別開生面長夏國難作遂輟筆
自昌平避地歸鏡戶無聊日作一二通以銷博况在萬年餘

至今日始卒業其有未備隨時補輯舉世競談新學獨為於人所不為之時即非頑固迂贅矣辭

初六日賀韶臣女贅壻見諸同鄉紫東言明日襄平師設奠借東直門外一僧寺不發訃聞僅命長班口傳視李文忠之節終優渥霄壤懸殊矣禍福無門惟人自召豈不信然不能以公義廢私情追溯疇曩欲往一哭而天寒途遠憚於驅馳即請紫東代辨真敬一函送之

初七日編定諸石敘目共十卷四百三十七則內指揮一則須檢府谷江陰拓本補撰但以自怡悅不堪持贈君此其所謂寂寞草元矣

初八日燈下作詩石自序一首又補論南北朝書人一通

初九日史館堂期午前即往過楊內翰卓林於門舊館端邸開

缺之大阿哥即其高足弟子也今又主劉博泉侍郎處教讀
旭林未到獨坐無聊補語石二通即書於牘背携以歸

初十日陶侃如丈八十懸弧同郡在省館公祝籍修鄉飲酒禮
裙屐聯翩少長咸集聞紫東云在襄平師處見張曼鈞輓聯
云殉國即完人傳忠況有令子蓋棺無定論公道自在千秋
諸君僉謂傳忠句未愜此題本難下筆歸後補語石二通

十一日燈下補語石一通

十二日劉葆良到京來談述葆真在大學堂與許竹簣侍郎論
勸孝匪堂上堂下聽者側目又與田稼臣力爭聲色俱厲稼
臣山左人袒其鄉匪者也潞河之禍實基於此然則余之辭
教習而不為不可謂非先幾之哲矣

十三日燈下補語石一通

十四日得朱古惟前輩書贈庚子秋詞一本與王幼霞姚伯崇唱和之作也燈下補語石一通

十五日諱估送韓桂齡詩集明萬芝容膝居雜錄皆已有藏本又稽古日鈔震澤張方湛王逸虬郁文蔣輝同輯兔園冊耳又尺牘蒙語兩冊包山秦嘉銓存古著祇堪為市肆擊蒙之用惟晚香唱和詩係同邑陶鳧香先生慇官唱和之作後附邊袖石王子壽諸人詩尚可存又碑版廣例是新印本有爛板可補語石之未備燈下疾讀一過采數則始知此書與語石餘徑相通但彼所重者在文字義法題署格式而拙意意在訪求在收藏在鑒別仍是同牀各夢耳

十七日以碑版廣例補語石四通

廿一日範帥自行在回來訪相左留于嘉一函鄭州開元寺

經幢一通唐中和五年僧義口建義下一字泐其半似福第
一面篆書尊勝幢三字為額右有天成移建題字左有張行
口銜名諸家均未著錄

廿四日燈下補語石二通

廿八日 兩宮回鑾辨色而起至天橋南迎 駕候至未刻

聖駕在先 慈聖在後絡繹回宮禮畢日尚未暝

廿九日鳳石退直來談握手慰勞各言別後瑣尾之況午後步
行答鳳石談至日暝以 蹕路所經祠廟賜額屬為捉刀並
要以急就章歸後即挑燈構思陳書在案至九點鐘忽署中
急足至傳呼明日翰詹讀講以下俸深編檢二十人預備召
見倉猝奉宣非唯貂珪向所未御即風帶亦歸浩叔急命奴
子僮車並作一函至鳳石處借風帶柯庭處借白風毛桂御

者停鞭以待走筆擬匾字十一方畢

克母廟 伊和聖喜

陳鋒毓粹

頌洽靈臺

光武廟 三分鼎業

而頌嘉禾 樓桑羽葆

漢官重整

龍見白水

祠為世虎目

姚江正脈

傳跡秋 學教良知

純儒經濟

巴蜀英名

文成祠

千秋正氣

蘇門麗澤

東林羽翼

正學孤忠

節祠

清官第一

方正直潔

始終一節

河海宣勤

肯褒獎誌

曹文正祠

中甫篤生

文通武達

即登車至東華門危坐達旦一夜未睡

與柱石

文通武達

即登車至東華門危坐達

旦一夜未睡

三十日辰刻始傳宣進

三十日辰刻始傳宣進

乾清門遇南齋諸臣散直出嘉定相

國屬列跪宜稍後無前席至乾清宮丹陛下見樞臣雁行進

揖已初始入 對講讀諸臣在前編檢以次列跪 皇太后

涕泣撫慰云不意今日尚能再見爾等先言出奔時流離瑣

尾之況及山陝荒瘠之象懽言都中洋兵騷擾十室九空爾

諸臣艱苦備嘗至死不變皆余不德所致因而泣下沾襟諸臣皆伏地叩頭有失聲者 皇上惟訓以國事艱難翰林院為儲才之地宜多讀有用之書講求實學奏對至四刻之久始命退出小目班次稍後寒暑之忱懷欲陳之而未能韶臣起立時至傾跌幸再韓挾之起及下殿汗下如雨舌蹇色變正在強仕之年何至於此

十二月

初一日閱邸鈔奉 上諭翰林院為儲才之地平日並無公事從容清暇正宜博通經濟期為有用之才以備國家任使著掌院學士將該衙門人員督飭用功於古今政治中西藝學均應切實講求務令體用兼賅通知時事而無習氣限五個月後甄別一次由該掌院學士嚴行考核分別優劣據實奏

聞毋稍徇飾欽此昨召對時環顧同列除滿洲寶連兩君及
 劉仲魯外大半皆屬頭巾吏李卿前輩在前席侃侃而談聲
 色俱厲一派迂腐之論朱益齋所言尤不得體今日嚴旨
 所由來也不佞在史館四五年簿書鞅掌何異司員而曰並
 無公事聞命飲冰代言者皆非個中人即樞臣亦不以詞
 曹進惟子玖官翰林三十年輶車徧於四方偶一入都席不
 暇煖未嘗一日當館差宜其全不知甘苦也大學堂奉旨
 派張百熙為管學大臣一切事宜責成經理廣西學政劉家
 模為御史黃曾源所劾兩廣總督陶模查辦得實奉旨似
 此貪劣昭著實屬辜恩負職劉家模着即行革職此則大快
 人心者耳去年團匪鴟張劉有疏稱京官有奉西教者請飭
 團民挨戶搜查幸為變相所寢其說果行何堪設想其邊

慈眷得學政以此而豈知為塞翁之得馬也天道恢恢疏而不漏

初三日史館堂期旭林先到同譚 諭旨不佞所耿耿者在並無公事四字旭林則意在甄別二字余謂罪至劣等止矣今日非公事正可藉此暢談抵暮方散

初四日 回鑾以後出車僕僕今日始得閒伏案覆校忠義傳恭閱本四卷孫子授師列傳一卷閱邸鈔 上諭上年拳匪內訌釀成鉅禍皆由無識之王大臣縱庇邪術挾制朝廷職為屬階其罪固無可逭而當時愚妄之徒逢迎附和與該王大臣等彼呼此應論議甚張淆亂視聽實屬貽害國家雖情節輕重不同要亦難逃洞鑒自應一併懲創以肅官常開缺都察院左副都御史何乃瑩翰林院侍講學士彭清黎編修

王龍文贛州府知府連文冲陝西補用知府曹廉均着革職
永不敘用欽此福建學政禮斗生前輩為御史黃曾源高枬
所劾下閩督許筠庵師查辦得實奉 旨革職並着交還捐
款

初五日閩桂襖梨奴輩想吃天鵝肉過午寂然至暮嗒然余始
告之曰黃河清大明生於西則爾主人輅車出矣佩鶴來談
知奉 命視閩學秦硯詒來以其尊甫所撰上海縣志屬弁
言

初六日燈下補語石二通

初八日燈下補語石二通

初九日憚後孫來談告余云聞南皮為鄂中文衡虛位列姓名
告政府鄙人與焉言者諄諄聽者藐藐臧氏之子非天也可

援子與氏之言以解嘲

初十日至廠肆在正文齋小坐購定晚香啁和詩二冊並附集
兩冊共值五錢携歸昭陵碑攷六冊當湖孫三錫桂珊輯索
值三金明末忠烈紀實九本原書二十卷裝十二本今缺三
本崑山徐果亭先生所輯也雖殘本甚居奇擬發憤手錄之
十一日午後至史館同議事擬請辦宗室王公表傳合儒林文
苑循吏為一案又擬派員至 皇史宬查點尊藏書籍有無
殘缺抵暮方散

十二日衙門知會明日國子監司業管士一前輩收缺翰林院
應升二十名吏部帶領引見第一次抬轎也

十三日黎明至景運門外朝房見陳松珊云藏書出寄幸得珠
還獨借余七十二峯足徵集竟付浩劫願以桑悅思玄集見

歸余不能置一辭唯答以物之成毀有定適逢其會而已今日皇上升殿特早寅刻即引見

十四日讀上諭鄭勳門前輩以奏對顛預人欠明白開缺正深疑訝劉葆良來云亦為拳匪墨誤此其託詞耳得程心一書屬撰其先人家傳並寄貽石刻七通紹興府學碑二幢衢州爛柯山游嗣立題名武康風山靈德王廟記臨安海會寺兩石幢吳山天慶觀宋高宗道德經幢

十七日得子嘉函贈精拓虞廟堂碑兩通御史臺精舍記兩通即官石柱四通

十八日閱邸鈔內閣學士兼禮部侍郎銜徐琪聲名平常不孚輿論著即行革職昨晨在朝房見石生豸冠獬豸心固疑之不意花農櫻其鋒也

二十日得君九書索蒿隱遺稿已交子沂帶蘇矣豈有浮沈耶
燈下補語石二通刪一通

廿二日覆校忠義傳四本燈下補語石一通

廿四日閱邸鈔 皇太后懿旨我朝深仁厚澤淪浹寰區滿漢
臣民從無歧視惟舊例不通婚姻原因入關之初風俗語言
或多未喻是以著為禁令今則風同道一已歷二百餘年自
應俯順人情開除此禁所有滿漢官民人等著准其彼此結
婚無庸拘泥至漢人婦女率多纏足由來已久有傷天地之
和嗣後搢紳之家務當婉切勸導使之家喻戶曉漸除積習
斷不准官吏胥役藉詞禁令擾累民間如遇選秀女年分由
八旗挑取不准采及漢人免臨前明弊政以示限制而恤下
情將此通諭知之欽此正文齋書估來前送閱各書僅留晚

香唱和詩一部又新購定傷寒續論四冊同邑先輩張璐路
玉編輯原書本續論緒論今緒論已缺非完本也共詣直一
兩二錢補語石三通自脫稿後以金石萃編續編續語堂碑
錄拾遺補闕至今日甫畢

廿八日午後師門拜節崑相之外惟有貴平橋師已丑知貢舉
也嘉定相圖以大挑受知朝殿師門已無由再窺東閣釋褐
至此僅十年耳世事浮雲變幻良可浩歎史館河南地理志
翟子玖前輩有兩籤其一駁鎮平潦河出五朵山為取圖經
詳細考訂不啻作一篇水道源流攷

女夫王立勛謹繕印

緣督廬日記抄卷九

邑後學湯水明謹校

綠窗廬日記抄第九冊校勘表

葉次	行次	格次	誤	正	葉次	行次	格次	誤	正
二	六	六	本論此	本上論此	十九	十六	二	部	郎
七	十二	十六	五	三	二十	十五	二	千	二千
八	八	八	（既係字）	張	二十三	十一	八	之	（衍文刪）
九	一	七	立	三	又	廿三	廿二	壽	壽
十二	十五	十二	（既有字）	有	二十四	八	廿二	學	苑
十三	二	二	涇	陞	二十五	十二	廿二	去	者
十四	四	二十	然	胎	三十三	十一	廿四	缺	缺
十九	八	三	空格	（次行格寫）					
又	九	一	初	十					
又	十二	六	即	逐一					